

قلبي الطاهر عمره ما خانك

جائز بادمع بدون أنات

بأشرب دمعي

واعيش ف سكات

أنا جويا حاجات

بتقطع فيا

كل ما فيا

حب عايش ع الاحتمالات

جائز إني بطبعي خنيق

وباعشق حزني

لو رسمالي الدنيا طريق

جوه الجرح

هاكتب اسمي

جوه عيونك سطر مخلي



كل سطورى ماشية وراه
لو بالدمع هاسكن قلبك
ليه ما حستيش بكلمة آه
لما ارسمنى بسمة خفيفة
يستغرب لوني يقلبها سواد
جوه الوردة دمعة حزينة
لحن بيوجع من غير مزىكا
أنا سلمت خلاص العهدة
قلبي المرهف
حزنى الصامت
قلمي النابض
حبي الصادق
شمسك لسه
بتشرق فيا
على شويها

يمكن اغني
شغلي عقلك
حركي قلبك
نسمة فجرك
كل دفاتري بتندهلك
مش هارضى بأي نهاية
بس خلاص كفاية
مش هاتذل
بس هاقولك كلمة ف سرك
حطيتها حلق ف ودانك
قلبي الطاهر
عمره ما خانك
هاسمع تاني
واكتب تاني
هغازل تاني

بس ماحدث هايقدر

يسد مكانك

لو مش عايزة سدّي الخانة

مش عايز اشوفك فلقائه

بس قبل ماتمشي من جويا

اعرفي أنا حياتي

ف نفس الخانة